

Тропарь, кондак и молитва преподобным Геннадию и Никифору Важеозерским

22 октября 2016 г. 01:58

Тексты тропаря, кондака и молитвы преподобным Геннадию и Никифору Важеозерским утверждены на заседании Священного Синода от 21 октября 2016 года (журнал № 96).

Тропарь, кондак и молитва преподобным Геннадию и Никифору Важеозерским

Месяца февраля в 9-й день

Преподобных Геннадия и Никифора Важеозерских

Тропарь глас 1:

Славу мира сего презревше, преподобнии,/ пустынное житие возлюбили есте,/ души же Богу добре повинувше,/ постом, бдением и молитвою демоны препобедили есте/ и, житию ангельскому непорочно поревновавше,/ на Небесех мзду трудов ваших восприяли есте./ Слава давшему вам крепость,/ слава венчавшему вас,/ слава действующему вами всем исцеления.

Кондак, глас 4:

Житейское море подвиги вашими невлажно прошедше,/ крепкаго пристанища Христова достигли есте,/ идеже Престолу Пресвятыя Троицы предстояще,/ Никифоре и Геннадие богомудрии,/ Владыку всех молитве/ мир вселенней даровати/ и душам нашим велию милость.

Молитва преподобным Геннадию и Никифору Важеозерским

О, преславнии и предивнии угодницы Божии, Никифоре и Геннадие Важеозерстии, северныя Фиваиды двоице достославная! Вы, в пределех земли Олонецкия преславно возсиявше, сию подвиги вашими освятили есте. Будите всем нам покров и ограждение, скорбящим утешение, недугующим исцеление, путешествующим и по морю плавающим управление, заключенным в темницах скорое освобождение, в подвизех и гонениях сущим терпение и поможение, и всем христианом прибежище и заступление, да выну славим прославльшаго вас Бога во веки веков. Аминь.